

痢

疾

論

痢疾論卷之二

後學楊大任占儂恭閱

黎水孔毓禮以立著輯

同邑陳元節菴全校

論痢原

痢疾一症。經名腸澼。亦曰滯下。經但辨脈證。決死生而未  
言治法。仲景立法。以垂後世。腸澼一證。又無成書。縱有桃  
花白頭翁等湯。不過散見于傷寒金匱下利條中。未可執  
下痢之方與法。概施之腸澼。便血證也。劉氏河間首倡濕  
熱之說。而以大苦大寒少佐辛熱為治痢證。一定不易之

法大槩以痢發于炎暑之末。心肺二經先感濕熱之氣。傳之于所合時值大火西流。陽氣歛藏入而內攻。蒸發蓄積。故成滯下。朱戴而下罔不宗之。而未知其說之偏也。何者。炎暑司令者。天時也。老少強弱不同者。人事也。因炎熱而貪冷就涼者。又天而人也。外因于天者。多熱多實。內因于人者。多寒多虛。因天因人而有老少強弱之不同。虛實寒熱之互異。同藥豈無溫涼補瀉之殊乎。雖內經有少陽司天泄注赤白。少陽在泉。火淫所勝。民病泄注赤白。少陽之勝。下沃赤白。歲火太過。血溢血泄。注下等語。是皆以運氣爲言。未嘗兼及人事也。劉氏之偏其辨在于聚人事而單

言天。故惟見在天之化與病之見證本末源流悉皆火象。遂直指爲濕熱而大苦大寒之無疑義也。有明而降代不乏賢者。薛立齋、張景岳、李士材等皆知不從劉氏之偏而詳註之矣。有聶氏者劉氏之徒而尤甚者也。其治痢一方自稱爲奇方妙論。不知者或爲之刊布。或爲之修合丸散而遍施之。雖頻見死亡。但謂病不可爲而不咎乎藥之謬。蓋其說平庸淺近。易以惑人。故奉若龜著華繩而不可易。雖欲辭而闕之。而傳信既久。聽之者實難其人也。乾隆九年鄉邑中疫痢大作。凡服聶氏之方。雖或十愈一二。而變厥逆死者十之七八。予用溫補救之。未犯死症者十愈

其十。于是鄉邑中。頗知痾有虛實寒熱之不同。而是方未可槩用。大抵是方必形體強壯。熱滯盛極者。乃爲合宜。若挾虛寒者。及半實半虛者。皆屬砒毒。吾願重命之士。毋輕服此方。司命之人。亦毋輕用此方也。

論諸色

諸家論赤白兩色。大抵謂肺金色白。濕熱傷肺。肺與大腸表裏。肺傳大腸。而成白痢。心火色赤。濕熱乘心。心與小腸表裏。心傳小腸。小腸復傳于大腸。而成赤痢。赤白相兼者。心肺並受邪也。戴原禮白氣赤血之說。亦以肺主氣。心主血。文雖不同意。實一也。其論五色。無非肝青脾黃。腎紫。

心赤肺白爲辭耳。予謂五臟分配五色。特大槩言之。若必  
針。求。合。則。亦。固。矣。假。如。以。白。屬。肺。則。似。白。非。白。不。能。指  
爲。何。色。者。果。何。屬。乎。以。赤。屬。心。則。似。赤。非。赤。不。能。指。爲。何  
色。者。又。何。屬。乎。夫。痢。疾。者。薰。蒸。腐。敗。穢。積。之。病。也。譬。如。醬  
焉。漬。而。蒸。之。養。之。以。草。日。久。諸。色。皆。備。無。肺。而。能。成。白。無  
心。而。能。成。赤。吾。又。烏。知。赤。白。之。所。自。來。乎。凡。言。醫。者。與。其  
穿。鑿。而。取。諸。遠。不。若。平。易。而。取。諸。近。予。試。以。平。易。之。理。言  
之。人。之。週。身。上。下。無。處。不。有。津。液。其。在。上。者。脾。液。之。清。者  
也。在。下。者。津。液。之。濁。者。也。上。無。津。液。則。乾。稿。而。食。不。得。入。  
下。無。津。液。則。乾。稿。而。精。粕。不。得。出。一。有。壅。遏。則。清。者。化。濁。

而爲痰爲膿者益濁而爲似痰非痰似膿非膿機不  
堪之物矣此白痢之所出成而猶其淺焉者也傷及津液  
裏之血絡則赤痢矣至五色痢華元化曰脾氣虛五液注  
下爲五色脈經曰脾氣弱或五液注下青黃赤白黑朱丹  
溪曰胃爲水穀之海常兼四藏故五色之雜見則皆主乎  
脾胃矣而古人又以爲腎病蓋五臟之症窮必歸腎腎病  
則諸經皆病非專指腎一經也

論陽氣

經曰陽氣者若夫與日失其所則折壽而不彰又曰陽氣  
衰不能滲營其經絡故經言飲食入胃游溢精氣上輸于

脾。脾氣散精。上歸於肺。通調水道。下輸膀胱。水精四布。五  
經並行。陰陽葵度。以爲常也。曰游流。曰上輸。曰散精。曰上  
歸。曰通調。曰下輸。曰布。曰並行。皆陽氣之用也。可知陽氣  
者。內則運化飲食。外則分溫四體。揆度如常。百病不生。痢  
疾者。陽氣抑鬱于脾胃之間。而爲病者也。然當陽氣得位  
之時。阻抑無所施其技。迨夫暑退涼生。腸氣歛降。而抑鬱  
之患見矣。因是而裏急後重。因是而下利赤白。因是而腹  
痛。食減水道不通。治痢之用表藥者。外感風寒。陽氣不得  
舒越。發之散之。風寒去而陽氣始得舒越也。用攻藥者。內  
傷積滯。陽氣不得宣通。刮之逐之。積滯去而陽氣始得宣



法步言 二 身二  
通也。用溫補者。藏府虛寒。陰邪凝結。陽氣無權。不能舒越。宜通溫之熱。之升之補之。所以助其舒越。宜通之用也。自古言痢諸家。從未有重及陽氣者。然觀大苦大寒之味。尙必佐以辛熱。奈何今人治痢。一見後重。輒行攻剋。一見下血。惟事清涼。不知攻剋過度。陽氣受傷。因而下陷。而後重益甚。清涼過度。陽氣虛冷。血不歸經。而便紅愈多。甚至絕穀不食。通身逆冷。以死者。陽氣漸滅。明驗也。予嘗治痢。投藥之後。脉有疏暢條達之意。曰。卽愈之兆也。百不失一。蓋抑鬱開而陽氣通行故也。

論濕熱

六淫之邪。風火燥暑爲陽。寒濕爲陰。陰陽不同位。水火不同氣也。易曰。水流濕。火就燥。各從其類。烏有異類而相親者乎。然而外因于天。內因于人。或先後湊合。或一時兼受。兩邪釀蓄日久。異類渾成一家者。有之矣。但濕熱見症多。端不止成一痢疾。而痢疾一症。六淫俱可兼傷。又不獨在濕熱也。胡爲專主濕熱哉。夫濕熱之說。創自河澗。而後人宗之。河澗之徒。無論矣。卽有深非河澗者。謂痢不皆由濕熱。虛寒者。法當溫補。果是濕熱者。方可清利。則痢半屬濕熱矣。又有以濕爲主。而分寒熱者。曰寒濕宜溫。熱濕宜涼。則又以痢爲皆屬濕矣。而予獨不然。何也。濕必有濕之症。

也。曰頭重而裹。身重如山。曰跗腫如泥。瀉利如水。而病家鮮有諸症。縱有先瀉後痢。先痢後瀉者。然不得以先瀉後痢爲濕去熱存。又豈可以先痢後瀉爲熱去濕有乎。更以湯散稽之。凡治濕之劑。若五苓。若猪苓。若除濕勝濕之類。鮮有收入痢科者。若果屬濕。奈何屏棄不用乎。旣不見有濕證。又鮮治濕之方。又無治濕之驗。胡爲去却半邊熱字。又以濕爲名哉。雖夏秋太陰濕土司令。痢多發于此時。然予觀四時之化。春夏二火司令。而反見礮潤衣活。而民多病濕。夏秋濕土司令。而反見燥石鑿金。而民多病熱。然則醫家治病。當據現在之症乎。抑據司令之臆乎。必有不易

之見矣。或曰：然則痢無寒濕與熱濕乎？曰：非也。間或有之而不盡然也。夫不盡然者，固不可指為致病之原也。

論脾腎

脾土也。土能尅水。腎水也。水畏土尅。然土雖尅水而實隄水。無土則洪水橫流。四隄不宅矣。水雖畏土而實潤土。無水則厥土焦燥。萬物不生矣。故二臟者相尅而實相成者也。痢之為病，始則脾胃不能運化，飲食久則腎臟開闔失職，而脾腎兩傷。蓋五臟之症，窮必歸腎。不特太陰一經傷所不勝，故傳少陰也。其見證也，脾能瀉腎，亦能瀉腎能痢，脾亦能痢。若如衛生寶鑑之說，太陰主瀉，少陰主痢，則治

瀉者。但專治脾。不必兼治腎。治痢者。但專治腎。不必兼治脾。可乎。內經五臟主病論。主脾所生病。為溏瘕泄。腎所生病。為黃疸腸澼。脾瀉腎痢之說。大約準此。然聖人之言。合參則理全。偏舉則理缺。經言脾脉外鼓。沉為脾澼。非脾能痢乎。少陰厥逆。下泄清。非腎能瀉乎。腎移熱于脾。為腸澼。非少陰傳太陰。為痢乎。合而觀之。理乃完全也。後人拘文牽義。以瀉痢分屬脾腎。遂謂先瀉而後痢者。脾傳腎為賊邪。難治。先痢而後瀉者。腎傳脾為微邪。易醫。不知瀉者通象也。痢者塞象也。由通轉塞。自然難治。由塞轉通。自然易醫。不必附和難趣賊邪微邪之義。以分難易吉凶也。又痢

疾經言腸澼。遂謂其病在腸。了不十于脾腎。不知腸澼特  
病名耳。非謂但當治腸也。若但治腸。恐腸未愈。而脾腎先  
敗矣。以治痢疾者。首重脾胃。當顧護之。如珍寶。痢之生死  
判於能食與不能食。能食則脾胃有權。雖進迫。百度力可  
支持。若雞口牛後。其去死也。幾虛矣。周慎齋曰。下痢六七  
日。經盡。當有結糞。若至十三日。再經。結糞不出者。胃氣告  
匱也。慎不可攻。攻之則死。終仲淳云。痢疾不能食者。攻之  
則死。二公皆以脾胃爲重也。其次重腎。腎者胃之關也。經  
曰。北方黑色入于腎。開。二陰痢久。津液下竭。未有不  
傷腎者。故治痢不知重脾腎。非其治也。

辨以痢非痢

痢必裏急後重。難症便血。無裏急後重。痢必發于夏秋。似痢非痢。四時皆有之。此大槩也。然東垣云。大便閉塞。或裏急後重。數至圓而不能便。或少有白膿。或少有血。慎勿利之。利之反鬱結不逆。宜升陽除濕。防風湯。舉其陽。則陰自降矣。又云。大便有白膿。因勞傷氣虛。傷大腸也。以黃芪人參補之。如裏急。類見汚衣者。血虛也。如常歸。又調中益氣湯。下云。治飢飽勞。損傷脾胃。元氣不足。其脈弦洪。緩而沉。按之中。指下時得一瀋。或上欲下使。或大便澀滯。或夏月飧泄。米穀不化。或便後見血。或見白膿。又難經五泄中。

之大瘕泄。裏急後重。數至圜而不能便。莖中痛。或大小便牽痛。愈痛則愈便。愈便則愈痛。其症紅白相兼。悉似痢疾。小便短澀而痛。或不通而痛。或欲小便而大便先脫。或欲大便而小便自遺。醫賈曰。此腎虛之危症。以八味加補骨脂。肉豆蔻。阿膠。兼理中湯。加升麻。桂附。相繼間服。庶可挽廻。以痢藥治之。必斃。由是觀之。則似痢非痢。亦有裏急後重矣。前數症者。若非時發。作人或能辨。若發于夏秋之間。誰不認作痢疾乎。須知似痢之裏急後重。與真痢之裏急後重。其輕重緩急。自是不同。似痢只是拘急難解。未必若真痢之進迫無度也。且因勞倦氣虛下階者。症必倦怠少。



氣脉必大緩而軟。東垣言沉按之中。指下時有一澁。乃其辨也。大瘦泄雖悉似痢。然欲小便而大便先脫。或欲大便而小便自遺。痢家無有此症。則脉之與症亦自有可辨者。然予又有說焉。不論似痢真痢。但以脉症爲據。脉症實者似痢亦當清涼。脉症虛者真痢亦從溫補。此又其至要者也。乃近代醫家見有溫補而愈者。便爲似痢非痢。夫以溫補愈者爲似痢非痢。則凡屬真痢者靡不當用苦寒矣。此說始于丹溪。治叔祖滯下。頻用人參而安。遂曰此非痢疾。乃心虧脾弱。喻嘉言因之。故彼治案中總以應溫補者爲非痢疾也。夫以丹溪晚年悔悟。知痢有屬虛者。而又以此

爲非痢。顯爲言濕熱者。曲作回護。豈非先人之言。膠固難化乎。然子則又有辨焉。痢盛之年。曾見一家之中。長幼皆病。一用芩連而愈。一用薑桂而愈。將以一爲真痢。一爲似痢。非痢乎。是說也。予又欲起丹溪而問之。

### 辨色

按痢下白色多寒。赤色多熱。然白雖多寒。亦有氣鬱食滯。而尙未傷血分也。不得悉認爲寒。赤色多熱。又看鮮晦濃淡。不得遽謂之熱。大都血色鮮紅者多熱。血色晦黯者多寒。血形濃厚者多熱。血形清淡者多寒。赤甚至干紫。黑若濃厚者乃極熱也。宜清熱解毒。若紫黑清淡乃臟腑腐敗。

之色痢家危證也。急瀉之。黑光者爲瘀血。血中有紫黑塊亦屬瘀血。宜行之。至五色痢。法當溫補脾腎。余治一五色痢。用溫而愈。說在痿痲交發條中。然馮氏錦囊中有五色痢實症一條。想或有此症。余特未之見也。

張瀾石曰。痢初起時。便見膿血者。宜調氣和血。氣分藥必不可少。若見白膿。宜調氣消積。不可用血藥。引入血分。必變膿血。又曰。血色鮮濃厚者。屬熱。瘀血稀淡。或如瑪瑙色者。爲陽虛。不能制陰。宜溫理之。戴原禮曰。便白膿少而滑。頻見污衣者。氣脫也。加附子甚。如驟殺。如氣滯者。只以甘藥補之。又曰。血色紫黯。屢服涼藥。而所下愈多。作冷痢治。

血色如紫草如猪肝如莧菜汁非炮薑不治。理中湯去參。加肉桂肉蓯烏梅。又曰久下膿血。或如死猪肝色。或五色雜下。此乃臟腑俱虛。脾氣欲絕。故腸胃下脫。六柱飲。或可救其萬一。又純下血。而色鮮濃厚者。此心脾伏熱也。大黃黃連瀉心湯。丹溪曰。痢如膠凍如鼻涕。或如魚腦。此爲冷痢。○馮氏錦囊曰。有一種五色痢。五臟蘊熱。熏腐臟腑。五液俱下。故其色皆見于外。極危症也。用金銀花酒炒黃連歸芍木香乳香之類。清熱解毒和血主之。

辨虛實寒熱

治痢第一緊要處。在先辨定虛實寒熱。不轉用通套痢藥。

痢方則大段已不差矣。大形氣強壯者多實。形體薄弱者多虛。年壯新病多實。年衰久病多虛。卽病痢者多實。病後病痢者多虛。顏色蒼赤多實。顏色青白多虛。素縱口腹多實。素甘清淡多虛。脹滿硬痛爲實。空痞軟痛爲虛。煩燥不寧多實。安靜懶語多虛。鮮紅濃厚爲熱。淺紅清淡爲寒。脈息滑數爲熱。脈息沉遲爲寒。○李士材曰。頭痛身熱。筋骨酸痛者。表邪之實。脹滿惡食。急痛拒按者。裏邪之實。舉按滑數。來往有力者。脈息之實。火土之勝。而見敦阜赫曦之化者。時氣之實。外此無可言實矣。○丹溪曰。裏急後重。口渴及大便燥辣。是苦挾熱加黃芩。口不滿身不熱喜熱。

手。樹。盪。是。名。挾。寒。加。乾。薑。又。曰。力。倦。氣。少。惡。食。爲。挾。虛。症。  
宜。白。朮。當。歸。虛。甚。加。人。參。或。加。廣。陳。皮。虛。回。而。痢。自。止。  
膏。梁。之。民。與。藜。藿。之。民。不。同。豐。盛。之。民。與。瘡。痍。之。民。不。同。  
乾。隆。癸。亥。年。大。饑。之。後。繼。以。疫。痢。醫。認。藜。藿。可。任。攻。伐。予。  
曰。腸。胃。先。已。失。養。加。以。腸。胃。之。病。已。不。堪。矣。尙。堪。攻。伐。乎。  
今。歲。之。人。當。反。看。藜。藿。較。膏。梁。其。虛。尤。甚。也。

純熱純虛症

痢。屬。純。熱。純。實。者。微。補。卽。生。燥。煩。惟。清。利。到。底。乃。痊。直。待。  
全。痊。之。後。方。爲。調。和。氣。血。漸。漸。滋。養。嘗。聞。時。師。云。紅。白。不。  
止。何。敢。用。補。明。師。非。之。曰。必。待。痢。止。而。後。補。天。下。無。受。補。

之人。後人多以前說爲非。後說爲是。而子獨皆是之。蓋痢不止。不敢用補。爲實熱者言之也。若以律虛冷痢。則誤矣。痢不止。亦補爲虛寒者言之也。若實熱而亦補之。寧不爲害乎。時說未可盡非。

附案○一文學年富體強。秋深患痢。概用清涼。將愈之時。自疑清涼過度。少佐參朮。便煩燥不安。改用滋陰清火。數劑全愈。之後方和平調補。而氣血平。○一蕭姓醫進清涼未效。更醫補之。卽煩燥昏眩。仍用大黃。苓連。寒涼到底。將死復生。○又一少年用大黃。下數次。至四五兩而愈。此皆純熱純實症也。但症如此者。亦少。

純虛純寒症

痢之純虛純寒者。凡清涼消尅之劑。萬不可投。惟宜大補。少佐調氣血之藥。不惟清冷如凍者宜之。卽赤白相

兼者亦屬對症之劑其脈自顯沉遲細弱或似微急而指下全沒精神使不論新久卽以理中建中補中主之

附案

○一楊姓婦體孱弱秋間患病初起卽投薑桂稍安苦氣短神倦不能自支勢甚沉重改用參麥

保元湯加薑桂意在先救氣厥病症再作區處連投數劑不惟氣和神爽而紅白亦頓止矣。止後並無餘症。○又郭姓婦秋間白痢兩劑理中加桂頓愈未嘗先投一劑清消也。○家駁輝乃堂患病予任學馮已運薑桂白芍予自診之脈乏神九右關尺尤甚予用理中湯一服夜起大便乏力仆地扶起不能言足冷作嘔予曰旋即通身厥冷自下而上也急投附子理中藥方煎就而手已微冷服藥後厥回余曰若不再合一劑半夜必然又厥遂煎一劑半夜服之後用附子理中兼進入味地黃而愈。○一鄧姓患痢醫用清消及也霜大黃等藥十餘劑府不止食減作嘔多汗惟飲酒則精神暫爽後重亦減踰時如故自云我自覺有兩個肚大便時不及脫衣得解則暫寬虛坐則拘迫不堪小便必與大便同解予診之脈略急亦不甚空但浮大短軟用六君理中補中



等劑以助胃安穀。逆挽下陷之氣。數服後。病者問向有兩個肚。今只是一個肚。何也。予曰。向者陽氣不能運行。今能運行故也。此症每服補中益氣湯。則所解愈多。隨時藥性已過。又復拘迫。解少。雖服皆然。汗多則用黃芪。建中。浸汗頗收。泄漸止。食稍加。兼進參苓白朮散。全匱腎氣湯。入味地黃丸。四神丸。小便雖可。另解。然必以熱湯浴外腎。否則外腎冷而不能出矣。腹中亦各冷。令結。進前藥。漸漸止。飲食如常。然大便日夜有十餘次。再以補中益氣加附桂及四神丸。味大調理四十日而全痊。

虛實寒熱錯雜症

痢疾之初。失表失清。失下。久而元氣虛弱。邪氣不衰。遂成虛實寒熱錯雜之候。又有不因失治。只因虛弱感邪。而然者。喻嘉言曰。實者邪氣之實也。虛者正氣之虛也。實七虛三。攻邪爲先。七虛三實。扶正爲本。此定例也。故此症有先

清後補一法有先補後清一法有攻補兼施寒熱互用一法要識先後緩急賓主輕重權察病機轉關中節方是好手嘗見此症有重元氣者則曰宜清補兼虛不敢概行清涼循其法以治之得愈有重病氣者則曰但當清涼攻就循其法以治之亦愈所以然者此人元氣雖弱尙能勝任藥力病去之後稍加調理元氣漸服若虛多實少必不勝任藥力而敗矣。

附案

○一婦年五十患痛月餘補之則滯瀉而大便難

投參朮滯瀉則潤燥通幽或升其陽或瀉其陰或間清

涼調治四十日始痊然用補藥十之七清利藥十之二

三究竟以虛爲主也。一鄧姓少年下痢不食右脈浮

數而弱左手細弱頰糊或走動或便後用力左脈不至

片時方顯投蘇補之劑如焦朮枳寔參苓歸芍俱不效  
 絕粒五六日欲探之以涼又因左脈模糊持疑未敢忽  
 見舌生黃胎始信虛中扶寔遂于原藥中加川連三分  
 胸膈頓寬食粥一碗自後改用清補之劑如參朮歸芍  
 木香芩連之屬而痊可知脈細弱者虛也淨數者發炎  
 上也至于糝糊乃本脈如此病愈方知○一涂姓年十  
 有五歲將利腹痛頭痛且重裏散得汗頭痛止下白痢  
 倦臥小便短赤脈沉急無神白痢多寒而小便短赤屬  
 熱脈無神爲虛倦臥爲虛而脈急爲熱此虛寒熱錯  
 雜症也與乾薑甘草湯加木香赤苓白芍凡屬氣疏滯  
 俱佐人參尙未愈一醫進附子理中湯下咽卽煩渴脹  
 滿此誤作全虛全寒症也因藥燥之後暫入苓芍于疏  
 利藥中一二劑後少佐焦朮秘寒難解遂去朮用人參  
 瀉濁既去進升補而愈○一吳姓患時痢左脈弦空右  
 脈弱食減夜多汗醫進歸脾湯膈膨脹此濁氣上乘  
 芪朮固閉之故也脈變左關弦急右尺滑天小便短少  
 此明像火邪以苓芍等清之百順丸微利之攻清之後  
 轉用調補子因急事往邑委門人黃若海代治曰此症  
 虛中有寔寔中有虛可暫與調和氣血候見虛症虛脈  
 卽當以補爲主黃生調治旬餘未能全安衆怒補住邪

氣黃生日豈不知用大黃然言服之不能通服補而所  
解愈多且腹痛喜按奈何敢攻伐遂用建中湯入味  
地黃湯而漸愈但左關弦急人脈總不能和以戊己丸  
作湯一劑而始和○痢有虛而胃虛者攻之則胃氣  
傷補之則大腸壅此候當酌用藥大約清利大腸之  
中不可不將應胃氣又上熱下寒者胸膈作熱口渴  
喜冷心以下畏寒喜熱一除姓痢疾如此醫用清瀉  
熱之藥上部煩熱稍止下部冷痛益甚予用溫補而愈  
或曰當先宜進連理湯。

劉河間曰俗言寒熱相兼其說大誤水火陰陽寒熱者猶  
權衡也一高必一下一盛必一衰豈有寒熱俱甚于腸胃  
而同為痢乎愚按陰陽有對待必有流行有流行必有錯  
雜至于千之萬之莫可測度者皆錯雜故也若水自水而  
火自火寒自寒而熱自熱則陰陽之道有何難識哉考之

仲景傷寒。不乏寒熱錯雜之論。更多寒熱錯雜之方。傷寒如是痼疾。何獨有殊乎。

或問痼疾。既投溫補。則屬虛寒矣。然未路復投清涼數劑。始收全功。何也。曰。此先補後清法。卽丹溪先補後攻之意也。原夫始病之時。微兼暑熱。而形色脈症。皆虛。不敢先清。後補。補後元氣既回。微顯燥熱之象。改用清涼。餘邪悉去。而愈耳。

虛實寒熱不甚症

虛實寒熱不甚者。元氣雖不克足。而未至于大虛。積滯雖非全無。而未至于大實。挾寒尙非大寒。挾熱尙非大熱。此

病之輕者也。輕病當用輕藥。誤投溫補則變成實熱。誤投攻瀉則變成虛寒。由輕而重。由重而死矣。

### 治法十三則

#### 和血調氣

河間云。和血則便紅。自己調氣則後重自除。此二語舉世奉爲不易之經。然河間所云和血者。不過紅花歸芍以養血。涼血而已。所云調氣者。不過木香檳榔以順氣。破氣而已。而予則更有進焉。血虛者則補而和之。血瘀者則行而和之。血熱者則涼而和之。血寒者則溫而和之。血脫者則固而和之。斯盡和血之義也。氣虛者則補而調之。氣實者

則破而調之氣陷者則升而調之氣上者則降而調之氣熱者則寒而調之氣寒者則溫而調之斯盡調氣之義也。不知此義烏足以言和血烏足以言調氣。

發散

問曰經言賊風虛邪陽受之陽受之則入六腑入六腑則身熱不時上爲喘呼飲食不節起居不時陰受之則入五臟入五臟則膜滿閉塞下爲飧泄久爲腸澼然則腸澼由內不由外經義昭昭矣奈何以發散治痢疾乎曰內經分別臟腑受邪爲病特大概言之其實人身臟腑相連表裏交通內邪以爲外之格外邪以爲內之合非若風馬牛之

不相及者也。痢疾因感暑熱之氣。或舊有寒熱羣脈之積。不感賊風虛邪。則騰理疏通。陽氣發越。不成病也。一有所感。而痢斯成矣。蓋肝膽者。屬風木位東方。主疏暢條達。行春令者也。風寒外鬱。不得遂其生發之性。遂挾腸胃留貯之邪。激怒下行爲川。此時若不撤去。在外之表邪。惟攻在內之熱積。表邪勢必內陷。與裏邪混做一團。此時欲行發表之法。殆難爲力矣。故成無已曰。脈浮而數。浮則傷氣。數則傷血。及下之後。浮去而數不解者。則胃氣間熱。去營血間熱。在熱氣合併。迫血下行。必便膿血者是也。凡痢初起。若見頭痛身疼。惡寒發熱。脈弦浮數者。宜先治其外。後



治其內邪重者人參敗毒散邪輕者小柴胡湯加羌防之  
屬此爲涼散法屬熱者宜之桂枝湯加發散等藥爲溫散  
法屬寒者宜之若惡寒脈沉遲者理中湯症也甚加附子  
慎勿散之縱有外邪當從五積散加減凡散藥皆能上升  
倘無表邪而誤用之及應用而過度者能使濁氣上壅變  
爲脹滿嘔逆故發散方中宜兼枳殼厚朴防上壅也

張石頑曰血痢初起腹痛進迫或脈數大身有微熱者先  
與小建中湯和之

按血痢初起脈又數大何敢輕用小建中蓋因身有微  
熱知外有微邪脈雖數大必係重按無力故也

又曰身熱不除者。桂枝芍藥散。以和之。此治餘邪未散者也。

附案○從兄鍾程云。秋間患病畏寒。身有微熱。以人參敗毒散一劑。前止十之六七。改用真萊菔散劑。而全愈。幼男學敏。患痢。遂迫無度。每其寒寒。其寒。按數毒散得微汗。漸愈。十之七八。再和其真。一日全瘳。不絕二劑耳。

攻下

馮氏錦囊曰。痢疾初起。人壯積盛之時。清之下之。病受其藥。無損于人也。若因循日久。元氣已虛。積氣已盛。便成危候。然必年壯氣實。恣啖酒肉熱毒之物。解下膿血稠粘。脈見滑實有力者。方可下之。非裏急後重欲解不解。便爲可

下之症也。古法初痢膿血稠粘熱甚，日夜無度者，用大黃一兩，對好酒浸半日，煮一盞半，去粗分二次服之，以利爲度。張石頑改用大黃酒蒸爲丸，赤多用溫酒下，百丸白多用淡薑湯下，七十九改湯爲丸，其法甚佳。然總不及張景岳之百順丸，以中佐皂莢開關最捷也。喻嘉言云：痢疾宜煎不宜丸，子謂湯之峻不如丸之緩，或多用或少用，以對症湯藥煎送之，萬舉萬全之法也。若大承氣湯未免過峻，攝可久，謂痢疾之當下者，但取刮磨疏通切禁，大下誠哉。是言也。更有不可下者，如年高者不可下，產後不可下，病後復病痢者不可下，瀉後痢者不可下，痢以胃氣爲主食。

少胃病者不可下。血色清淡者不可下。脉洪大無力者不可下。劇十三日再經也。結糞不出者。胃氣告匱。勿輕下之。宜培養正氣。

保命集云。膿血相雜而脉洪大。慎勿以大黄下之。下之必死。謂其氣下竭而陽無所附也。○丹溪治葉先生滯下。正合承氣症。但氣口脉虛。形雖實而面黃積白。此必平肯食。過飽而胃傷。寧忍二三日辛苦。遂與人參白朮。陳皮芍藥等補藥十餘貼。至三日後胃氣稍完。與承氣二貼而安。苟不先補完胃氣之傷。而遽行承氣。寧免後患乎。○按古人治痢疾當下者。悉以承氣湯峻下之。故當慎重。若用丸散。

以刮磨疏通無用此慎重也

趙氏云下熱痢用大黃下寒痢用巴豆內經通因通利原  
有兩條有酒蒸大黃有蠟丸巴豆分晰甚明

附案○

一劉姓體肥寔患痢醫用清熱導滯改屬亦君  
子湯診得脈沉寔于清熱導滯中加大黃再

診脈變小弱改用補中益氣湯又苦大便不順醫屬  
氏奇方診論于清消之中少佐參朮久用不效于再診  
之色脫神昏脈時不至小便全無四肢厥逆一醫進附  
子湯理中湯厥回脈出逾時復厥脈又不至用全厚胃氣  
湯以補下元通小便不效一醫重用地黃黃陰膠腸痞  
滿而死詳是人體肥多痰虛寒而挾痰滯攻補兩難于  
診時其脈沉實少加大黃脈變小弱虛寒可知改用補  
中益氣湯大便不順氣滯食積可知此時倘用滋藥  
攻繼以溫中調氣未必至于厥逆無脈而不可救也  
在旦夕更醫而醫家拘守張氏之方清消行補四法盡  
用赫滅出入總不外此以至敗事也記此一  
案以為用藥不寒不熱不攻不補誤人之遺

表裏兩解

病挾外感。先解其表。後和其裏。此常法也。然遇表裏兩急之症。如外則發熱頭痛身痛。內則大便秘滯。頻迫解度。當做傷寒遺瀉病之法。合內外而兩解之。一服可收全效。

附錄

○一黃姓患痢。其症如前。一醫投防風通聖散。一劑而愈。但此湯治痢宜去石膏芒硝。加射症之藥。

清熱導滯

痢屬虛寒者。宜溫之補之。有表邪者。宜汗之。裏症急者。宜下之。若不虛不寒。又無表裏二症。止宜清熱導滯和解之。大約以黃芩芍藥湯為主。而隨症加減。欲微利之。加製大

蓋欲通小便加滑石欲微補之少佐參朮此等熱帶痢疾  
壽氏方亦可加減用之但芩連當用酒炒不可生用劉河  
間曰痢疾以苦寒藥治之微加辛熱佐之戴原禮曰下血  
不可純用寒涼藥于寒涼藥中用辛溫之味如酒浸蒸炒  
芩連大黃之類二公偏主溫熱者也其制方藥如此可知  
痢症難屬實熱萬無純用寒涼之理

清熱導滯治痢家一法門也曷可廢諸奈庸醫不能分辨  
虛實寒熱發散彼所不知攻下亦所未敢溫補聞之失色  
惟敢清熱導滯以爲穩當病者信之加減出入總不離乎  
芩連檳朴木香地榆之屬至于陽氣受傷成死候舉目

皆然矣。

痢症初起。內有食滯鬱熱者。清熱導滯。調氣涼血等藥。不  
得不用。然止可消導六七分。便當顧慮陽氣及脾胃之虛。  
而漸溫補之。轉換之妙。要在不先不後。方稱老手。然與其  
轉換失于遲。寧失于速。蓋補之不可再行。清導不甚。敗事  
若清導過度。陽氣漸減。忽以麻逆而不可挽矣。

溫補

問曰。病之虛者。補之。參朮歸地之屬。病之寒者。溫之。桂  
黃附之屬。若未痢疾之窘迫。後重。雖閉有明徵矣。惟有順  
氣破滯。斯爲正治。反以補藥重其壅閉乎。曰。實能壅閉虛。



亦能壅閉。何也。凡藥力必藉胃氣運行。積青朴胃氣強者。可投。若胃氣虛者。大傷中和之氣。而壅閉益甚。惟用人參白朮。稍佐和氣之藥。以補之。升之。胃氣強。則氣行有度。而壅閉自開。此內經塞因塞用之法也。曰。古人皆言痢屬濕熱。觀其注下膿血。明是濕熱之象矣。敢用辛熱以助其濕熱乎。曰。血熱因妄行矣。不聞血冷則凝乎。夫血陰類也。其瀦陳六腑。灌溉百骸。必藉陽和以運行之。今者寒傷臟腑。血冷而凝。點滴注下。其色清淡。晦易曰龍戰于野。其血玄黃。言陰盛之極。敢與陽爭。而血見玄黃也。此時若用芩連涼血。則週身之血痺而不行。旋變厥逆而死。惟藉菴

桂辛熱之力驅濁陰而助陽和以復其澆陳灌漑之舊則血自歸經而不下注矣此內經寒者熱之之法乃正治而誅者以爲反治也

痢脈沉少緩弱不論新久急補之攻伐過度者急補之已經清之導之痢猶未已察脈症量補之大虛有微邪者補之而後清之微虛而邪盛者清之而後補之今人動云補住熱毒恐成休息痢不知症屬虛寒不補則死欲求休息候治豈可得乎凡痢屬虛寒或過服涼藥非溫則陽氣不行鬱滯不開屢見疏之利之而所下甚少溫之補之而所下反多乃陽氣運行故也

痢疾人謂溫難于補。子獨謂補難于溫。以痢名滯下。溫藥  
疏通補藥壅塞故也。如補脾必用白朮。而朮性閉氣。能阻  
截中焦。必欲用之。宜冬朮漂去油。炒極焦。庶壅性少減。得  
于潛產者尤佳。○繆仲淳云。二朮皆能閉氣。故凡當用蒼  
朮。必取茅山產者。漂淨炒燥用之。○症因脈治云。只宜補  
不宜溫。全不知二朮之性者也。誤服寒涼。陽氣不通。腸胃  
冷結。或不解自出。有意解之。反不出。審病者。元氣將敗。不  
可輕投溫熱對症藥。口今人參價高。貧人力乏。難用。既無  
大力者。以主持之。惟恃薑附辛熱之性。以驅逐濁陰。恐藥  
入口。冷結陡開。幾希元氣。旋從大瀉而脫絕。謗莫可併矣。

附案○一少年患痢。多服寒涼。脈沉細而遲。飭服附子。乃曰。既然。諸藥不效。可將孔某藥單試之。藥入洞洩。而亡一人。附案曰。數劑勿服。爾又服之。果敗事矣。○一婦病痢。用治痢通套藥。至七八日。解下色黃。淋漓。脈弱。勸渠急投理中湯。不聽。復請專治痢疾者。進黃連數日。不應。指日即逝矣。踰時而死。

### 升補

痢久氣多下陷。益努力過度。愈趨愈下。自然之勢也。法宜升補。以補中益氣湯爲主。將下焦逆聚之氣。舉而升之。則後重除而所解順矣。然用不合宜。能使濁氣上乘。作脹作嘔。又肺與大腸表裏。肺氣壅。則大腸亦壅。而後重愈增矣。大抵久病宜升補。清降之後。而後重不除。且益甚者。宜升

補若初病。未經清導。不可驟用也。有服補中益氣湯。而腹  
內熱煩者。乃微火未清故也。加芍藥。苓連之屬。凡用此湯。  
有宜一劑者。宜二劑者。有宜頻服者。貴在合宜耳。若元氣  
下陷。而陰虛有火。不利者。尤者。張景岳升陰益氣湯。亦可  
酌用。○下部虛極。尺脈無根者。不宜升補。

### 初中末

初中末三法。不可不講。然亦不可拘。何謂不可不講。初病  
氣未虛。中病氣稍虛。久病氣大虛。故初病可散。可攻。中病  
攻補兼施。末病以補元氣為主。此其常也。何謂不可拘。老  
弱氣虛。初起不勝攻。尅。強壯氣實。久病尙宜微攻。河間云。

痢初元氣未虛。必推蕩之。積久氣虛。則不可下。假而初起。

元氣便虛。亦當推蕩乎。積久氣不甚虛。內挾熱滯。寧畏微。

利乎。丹溪云。痢初得之。必用調胃承氣。及大小承氣。按必。

字下得不穩。必者一定之法也。人有老少強弱虛實之不。

同。而可一定之法。該之乎。至若瀉可久痢疾方。謂初起用。

生芩連生芍藥。佐以青枳檳朴地榆紅花之屬。遲則難效。

然予治初痢。用乾薑甘草湯。建中湯。而愈者甚多。何水炭。

耶。又云。十餘日加參朮少許。不知症屬虛寒。十日已死。何。

能待十餘日。此皆拘執不通之論。明者自知。不待辨也。喻。

嘉言曰。首用辛涼以解其表。次用苦寒以清其裏。此亦當。

看脉症。果有表邪裏熱。方可解表清裏。亦非可爲一定之法也。大凡治病。惟有仲景隨症治之一語。爲盡善盡美。遵而行之。萬全無弊矣。

因瀉

瀉者。滑利之。滑脫者。固瀉之。一定之法也。古人垂戒。固瀉者。恐收瀉太早。熱積未除。致成久疾。與休息痢。非謂滑脫之症。不可固瀉也。倘遇衰老病後之人。初時便見滑脫者。卽宜補中益氣湯。理中湯。調固瀉丸散。以收固之。不但久痢滑脫宜然也。否則目前卽死。何暇慮後患乎。卽日後患亦必入存方有病治耳。

暫寬法

痢症進迫難支。察其脈症。又屬氣血兩虛。脾腎衰弱。止緣氣逆津枯。是以難解。投參朮歸芎補藥。進迫益加。純用養血調氣。又無速效。用大黃則寒中。用巴豆則傷液。病者惟冀一次稍順。便可暫寬半日。爲之奈何。嘗以生赤首烏爲君。當歸郁李仁火麻仁爲佐。枳實爲使。服下一時卽利。利後補之。再秘再服。一二劑後。補藥奏功。而大便順矣。方載後。

草藥丸散

鄉間小民。每用草藥治痢。有服之死者。有服之愈者。有服



之乍愈而旋劇。或成休息纏綿不已。卒歸于死者。緣野草之性。非大冷大寒。卽係大熱瀆虛寒者。服之卽死。熱甚者。服之有效。其乍愈終死者。乃強行堯塞故也。又有自稱家傳異授。修合丸散。施賣與人者。其中定有芩連巴黃。兼以草藥。卽無巴黃草藥。安能以一定之藥。通治人人之病乎。偶爾奏效。視爲珍寶。再與他人。便傷生命。猶不自悔。又與他人貽害無窮矣。

痢症輕重不專看穢濁多寡

痢之癘劇。要看病者之精神氣力。飲食脈息。不專在所下之多少。假如久服涼藥。腸胃中陽氣衰微。穢積凝結。得

溫辛熱之藥。陽氣通行。穢濁始下。故所解愈多。昧者驚怖。失色歸咎于藥。不知精神已爽。飲食已增。必愈之兆也。又如積熱未去。補塞太早。所下漸少。味者歸功于藥。不知所下雖少。而身不安寧。食不加多。反致纏綿不愈。予見病痢之家。他無所知。惟一眼覘定紅白。紅白未止。則曰藥不效。紅白減。則曰效。甚有醫士亦如此者。今附二案于後。一者紅白愈多。斷其不愈。而竟愈。一者紅白全止。斷其必死。而竟死。以驗痢之生死。不專在紅白之多少也。

附案○

予治一楊姓。患痢十餘日。多服清利消尅。醫雖云扶元氣。不過謹遵聶氏之法。少加白朮二三

分而已。形瘦食減。兼過身疼痛。下者紅多白少。後重拘急。予診之。六脈甚空。遂與補中理中建中。七味八味之

屬紅白益多。然身痛全愈。飲食益增。精神日旺。夢寐日安。而病者。總是一服。斷定紅白。藥已中病。又更他醫。子曰。既有元氣。強脾胃健。而病不止之理乎。後如子言。調理。劑全愈。○一王姓患痢。三日不食。食即嘔。頻迫無度。紅白相兼。而色淺淡。向滯糞。而出掌心。足心熱。口渴喜熱。小腹痛。小便長。右寸關脈浮大。而空。左寸弱甚。左關又浮太無力。一息五至。與連理湯。伊父曰。豈有病疾。敢用人參乾薑乎。易也。清利。子曰。病已大危。子亦必俟嘔止。能食方敢任之。若投清利。三日之內。必變厥逆不流。越日果厥逆。復問于子。子曰。有言在前。不可救治。強而後往診之。脈沈細。必絕。辭不治。又強開方。勉用附子理中。夜得安臥。所下亦稀。勝亦回。脈亦稍變浮大。有和緩之意。但無神力耳。令仍服原湯。因見扶起大便。戴眼。頭強肢軟。勁硬。子曰。不必服藥。已收矣。遂請他醫調治。紅白頓止。能行走。舉家慶再生。前笑子之辭不治也。子問人口。何謂病痊。目。紅白已無。亦不頻解矣。子曰。能食否。曰。不能食耳。子曰。果能痊。病未愈。必先飽食。豈有痢既止。而食不進者乎。是花果死。

誤治變症

誤用發散。在實症。則氣瀉上壅。爲脹嘔不食。以檳朴枳橘。降之。有火者。兼香連丸。若症屬虛寒。脉沉遲惡寒。而誤發散之。則陽脫而危矣。誤投清利。或清利過度。則食減吐衄。肢冷厥逆者。其常也。屢服苓連。虛陽外迫。反發熱發斑。除中驟食者。其變也。頻用大黃。開腸洞泄。發呃吐衄者。其常也。大黃下咽。反服閉不通。陰氣上逆。而爲中滿鼓脹水腫者。其變也。吐衄者。椒梅理中湯。吳茱萸湯。或理中少佐黃連。或烏梅丸以安之。發熱發斑者。速用溫補。以收拾虛陽。八味建中湯。參附湯。附子理中湯。開腸洞泄者。埋中調赤石脂禹餘糧末。發呃者。理中合丁香柿蒂散。中瀉鼓脹水。

腫者。急用附子理中湯。散其濁陰。以上諸法。只救十中之  
一二。若厥逆脈細。十難救。一發斑發強。忽然能食。名除中  
者。萬無治法也。至于誤用溫補。立見燥煩口渴。脹滿便閉。  
一劑已知。誰肯再劑。改用清利。依然平安。同一誤治。有可  
挽不可挽之分矣。

痢疾論卷之三

後學楊大任占儀恭閱

蔡水孔毓禮以立著耕

同邑陳元節菴全校

諸證二十八

噤口

準繩云。痢不納食。或噤口。入口。隨即吐出。俗名噤口。多因

邪留胃氣。伏而不宣。脾氣滯而不布。故嘔逆而食不得入。

也。○有腸氣不足。胃中滯食未消。則噫而食不得下者。

張石

頭主枳實理中。加砂仁。廣皮木香。豆蔻。山查。麝香。有肝乘脾胃。發嘔飲食不入。縱

入亦反出者

石頑皮已為加木香肉桂。

有水飲所傷。氣急而嘔。穀不得

入者。

石頑曰。水飲停聚心下。悸動不寧。五苓散加薑朮。

有火炎熾肉。格嘔逆而不

得入者。

石頑主黃連解毒。去積加枳殼木香。

有胃氣虛冷。食入反出者。

論治在後。

有胃中邪熱不入食者。

石頑曰。胃虛挾熱。而嘔逆不食者。連理湯。

有脾胃

虛弱不欲食者。

石頑論治在後。

有穢積在下。惡氣薰蒸。而嘔逆食

不得入者。

石頑主大黃黃連。瀉心湯加木香。

脾胃不弱。頭痛心煩。手足溫

熱。未多服涼藥者。此乃竇熱上冲心肺。所以嘔而不食。

石頑主甘草瀉心湯。去大棗。易山土蘇。此症味口有熱。不可用溫藥。

按張石頑遵正治準繩。而代為之擬治法。而歸重于胃氣

虛冷。脾胃虛弱兩條。曰丹。以用人參黃連呷法。但石連子。

真者絕少。乃粵中草實偽充。大苦大寒。予嘗以藕汁煮熟。稍加砂糖頻服。兼進多年陳米稀糜。調其胃氣。必效。即石連子之意也。古治噤口痢。多有黃連者。苦而且降。不能開提。非胃虛所宜。大抵初痢噤口。爲熱痰在胃口。故宜苦燥。若久痢口噤不食。此胃氣告匱。非比初痢噤口。尙有濁氣可破積沫。可驅。惟大劑參朮。佐以茯苓。炙甘草。薤白。煨干葛之屬。大補胃氣。兼行津液。乃可耳。但得胃氣一轉。飲食稍進。便宜獨參湯。畧加陳皮。或製香附。緩緩調補。兼疏滯氣。方爲合劑。如茯苓之淡滲。木香之耗氣。干葛之行津。皆當屏除也。



朱丹溪用人參黃連粳米薑汁煎湯細細呷之神效如吐  
再作服之但得一呷下咽便開按此主治濕熱在胃者也  
楊仁齋用參苓白朮散加石菖蒲以遺地粳米飲乘熱調  
下或用人參茯苓石蓮子肉入些菖蒲與之按此主治胃  
虛者也戴復菴用治中湯加木香半錢或砂仁一錢此主  
治胃寒而氣逆者也準繩云在下則纏綿在上則嘔食當  
認其寒則溫之熱則清之虛則補之

按痢疾不食當初病時右脈渾渾浮大或浮弦胸膈痞滿  
乃濁氣上壅也宜降逆氣枳朴陳皮檳榔之屬有火兼連  
香木香有食加查麩有表症者合香蘇散及對症發散藥

厥洪大急滑者火也。清降之。芩連枳朴之屬。有痰加半夏。生薑汁。脉滑嘔者痰也。二陳湯加薑汁。虛加參朮。寒加乾薑。熱加苓連。右脉浮弱沉細。或緩胃虛也。異功散加木香。少佐石菖蒲。若脉遲者胃寒也。理中湯加陳皮。虛而氣逆者木香異功散。脉沉滑。或右關滯噫不能食者。有宿食也。香砂枳實麩蘖。或大健脾丸。胃虛挾熱不食者。其脉稍急而無力。橘皮竹茹湯。冷熱不調者。連理湯。凡邪在胸膈。必然痞滿。虛亦痞滿。然總不若實滿之甚也。

唐慎齋曰。下痢以胃氣爲本。胃失生長。故惡物而不欲食。無分何物。與之遂獲愈者。胃氣勝故也。○有患痢晝夜不

及數度反發熱。心下痞悶不能食而嘔。其有晝夜不止。百  
度反脈靜身涼而能食。何也。曰痢之邪客于下焦。由橫連  
竟傳大腸。原無反熱之理。以中焦無病。雖下痢無度。不礙  
飲食。惟邪發于中焦。由橫連入胃。以胃受病。自不欲食也。

發熱二

經云下痢發熱死。此言滯下症也。仲景云下利手足不逆  
冷。反發熱者不死。此言傷寒三陰寒症也。寒症嫌于無陽。  
發熱者。真陽未漓。故曰不死。滯下發熱。嫌于陽亢。陰亡。元  
氣無主。一任邪氣之充斥。必致內外交困。故曰死也。丹溪  
曰。經言身熱則死。寒則生。亦大概言之。必以兼症詳之。豈

無身熱生而身寒死者。

按痢初起發熱多屬外邪。其候頭痛身痛畏風寒。或熱或

熱寒相兼。撤其外邪其熱自退。

人參敗毒散。倉陳湯。加減小柴胡湯。加味桂枝湯。葛

豉益元散。五積散。量虛是寒熱。加減選用。又有濕熱熏蒸發熱者。其狀蒸蒸發

熱。亦能頭痛。但不甚畏風寒。或口渴或汗多。其脈滑數不

似外邪之浮數。眩暈清其內熱。則外熱自微。不足深慮也。

黃芩芍藥湯。芍藥湯。改定聶氏方。香連丸等選用。

最忌先無熱。或散之清之。下之

其熱已退。八九日忽又大熱。多係陰傷陽亢之候。爲可慮。

耳然審知腸胃熱盛。更宜清下者。有之。復感外邪。更宜微

汗者。有之。又有陰虛痢疾。熱在午後。或夜盛。蓋輕其脈細

急熱甚者。亦顯滑數。以養陰清熱之藥調之。陽劑詳陰虛痲疾門更有過投。苦寒攻伐。虛陽外擾。發熱者。其脉空大無根。急用溫補收斂陽氣。以上諸症未定。卽死。但對症投劑。而大熱終不退者。爲必死也。有外不甚熱。自覺煩熱難支。欲去衣臥地者。此陰陽離絕之候。宜八味地黃湯十全大補湯。然多不救。

發厥三

經言痲疾身熱則死。寒則生。究竟死於發熱者。十之二三。死於發厥者。十常八九。蓋痲疾古名滯下。陽氣不得宣通。而治痲之家。知瀉而不知補。知寒而不知溫。知降而不知

升陽氣愈增秘鬱不能分溫四體。甚至陽氣敗壞週身冰冷。六脈沉細十難救一也。予於此症若見四末微清卽慎寒涼。常見痾疾將厥必先手足微冷。始則時冷時溫。次則冷多溫少。再則厥冷而不可治矣。故防厥逆者在將厥之時。先進溫補。然雖用溫補亦有時欲厥但不至于通身逆冷。汗注而成敗症。間有厥回而內有火者不妨稍加清涼以平之。若厥未迴不敢輕用也。至于痾症初起原係熱滯未經疏散。清下或早投補瀉以至臟腑壅遏經脈不通而肢體逆冷六脈糊塗者有之。其症必脹痛迸迫或寒熱舌胎此則宜投峻攻或表裏兩解等法。萬無有寒涼疊進六

脈沉細猶謂之熱厥猶謂之反兼勝己之化者也。然予於痢症發厥，每不敢投參附以僥倖貪功，非不欲救人于萬一，但恐投劑不效，或徒增煩躁，反為若輩藉口而熱厥之說人愈深信不疑耳。凡痢症脈浮大者，不變厥逆沉小者，不拘遲數，易變厥逆。若四末微清而時熱，脈弦浮急者，乃外邪未散，非厥也，以輕劑散之。加減小柴胡湯，放味桂枝湯等量，寒熱選用。手足微冷，其脈滑數有力，證顯逆迫，煩渴痞滿等候。四逆散，加條芩。板朴大黃之屬，若通身逆冷，脹滿逆迫。大柴胡湯，去半夏。兼外邪重者，防風通聖散去石膏，寒涼誤投而厥冷無陽者，縱用參附十難救一，若更厥冷煩燥，陰陽兩敗矣。

附案。

一涂姓痢下二三日投枳朴青皮陳芩枋木香

少佐黃連而因未散冷連投建中湯而時冷時  
溫速服溫劑數日方得手足全溫嗣進迫脈弦急改用  
芩芍而利稍止又用補氣血藥或清補相間二旬而安  
痢發厥雖人事了了能行走俱不足恃一涂姓早間發  
厥能行走夜忽死○一何姓少年腹痛逆迫肢軀厥冷  
攻下而厥漸回○按痢疾發熱當溫補者十常八九當  
攻下者十之二三非症顯逆迫痞滿煩渴等候脈見滑  
數有力因逆散中何敢加速芩枳朴大黃之屬且不但  
不敢下即疏散外邪必脈弦浮急然後因末微清而時  
熱乃為表症方可解表表之一定尚當審慎謾言下乎  
三案中宜溫者投建中而僅得時冷時溫連服溫劑數  
日方得手足全溫於此悟熱厥之症必  
如何姓之脹痛逆迫方為真熱厥也。

腹痛四

張景岳曰腹痛有實有熱有虛有寒因食積者必多脹滿  
堅硬拒按因火者必多內熱等症因寒者經曰痛者寒氣



多也有寒故痛也。凡生冷過度及外投風寒皆能致痛。因虛者凡人元氣不足。雖無阻而中氣不暖亦寒症也。况瀉痢不止。胃氣既傷。膏血切膚。安能不痛。但察不實不堅。或可揉按。或喜暖熨。或饑不欲食。或胃脘作嘔。不見實熱等證。悉屬虛寒。

準繩云。建中湯治痢。不分赤白。新久。但腹中大痛者。神效。其脈急。或滯浮大。按之空虛。或舉按皆無力。是也。○石頑曰。內桂伐肝。和脾最捷。腹痛者。少加以和之。又云。下痢腹痛。脈沉緊。無熱症者。先以薑桂之類。溫之後。理積滯。上言腹痛之屬于寒者。準繩又云。下痢膿血稠粘。腹痛後重。身熱不除。脈

洪燥者黃芩芍藥湯。上言腹痛之屬乎熱者。

按痢疾腹中痛者以芍藥甘草爲主。熱加芩連。寒加薑桂。痛在少腹者。更加吳萸。有積滯者。加厚朴。檳榔。青陳。查麩之屬。胃虛挾滯者。大健脾丸。氣不調者。加木香。青陳。香附。薑白之屬。血瘀者。加桃仁。玄胡。歸尾之屬。久痢血枯。加芎歸。養之。辨症加減。無不奏效。○門人問曰。腹痛以喜按爲虛。指按爲實。然否。曰。虛者空虛無物也。實者食積血蓄之類也。痛無形。可按却非喜按。虛挾寒邪逆氣。亦拒按。蓋寒牙逆氣。亦實類也。可溫散。不可寒散。喜按喜覺者。虛寒無疑。拒按者。又有有物無物。火逆寒逆之異。記甲子秋月。

倚蘭鄧兄下痢赤白左腹痛甚手不可近脉得沉緩弱小  
無裏急後重一痛卽便便卽紅白相兼竟用薑桂佐調氣  
藥及建中湯而痊

丹溪云痢疾腹痛者肺金之氣鬱在大腸之間以苦梗發  
之然後用痢疾藥按肺氣果鬱于大腸之間氣虛不陷者  
法當補中益氣湯以升舉之表邪未散者發之升之苦梗  
一物何能升發乎又云痢後糟粕不實或食多或餓甚方  
食腹中作痛以白朮陳皮各半煎服和之自安又云過食  
而痛損食則愈

石頑曰下痢日百度精加藥類反不痛者難治此邪氣勝

正氣微不能鼓激也。○李時珍曰。血痢已通。而痛不止者。乃陰虧氣鬱。藥加川芎。氣行血調。其痛立止。

少腹熱五

少腹熱有陰虛血虛。有火逆下焦。犬抵痢久者。多陰血虛。新病多火逆。火逆黃芩芍藥湯。陰血虛者。於陰虛痢疾門。揀方用之。

裏急後重六

痢疾古曰滯下。其氣逆結于下焦。故病此者。若有所出。至固又無所出。離固又若有所出。進迫墜重。苦難自支。緣秋令陽氣斂降。而夏月所受暑熱之邪。亦隨之下降。兼或生

冷積滯阻抑陽氣不得舒發運行。故如此耳。病者不知。謂有一大物在肛門間。但得解出。便無病矣。醫者不明。峻行攻下。不知大凡痢疾。未有不裏急後重者。若不裏急後重。但下些須赤白。則似痢非痢俱多。非真痢矣。夫無形之氣。陽也。有形之物。陰也。以無形作有形。是病在陽而攻陰也。其可乎。凡裏急後重。有虛實寒熱之不同。仲景謂熱痢下重者。白頭翁湯主之。丹溪謂下痢赤白。裏急後重者。香蓮丸進退大承氣湯。此治實熱之裏急後重也。金匱方泄痢下重者。以水五升。煮薤白三升。至二升。去粗。以四逆散方寸七內藥中。煮取一升半。分溫再服。戴原禮曰。後重積與

氣鬱。墜。兼。升。兼。消。此。治。不。實。不。虛。不。熱。不。寒。之。裏。急。後。重。也。石。頑。曰。久。痢。後。重。用。三。奇。散。後。重。稍。減。改。補。中。益。氣。湯。禁。用。耗。氣。藥。此。治。虛。寒。之。裏。急。後。重。也。又。云。氣。行。血。和。積。少。各。虛。坐。努。責。乃。血。虛。也。倍。用。當。歸。佐。芍。藥。生。地。加。陳。皮。以。和。之。血。生。自。安。此。治。血。虛。之。裏。急。後。重。也。

按。裏。急。後。重。若。初。病。有。表。症。者。酌。量。輕。重。以。散。之。有。熱。滯。者。黃。芩。芍。藥。湯。合。和。血。調。氣。等。藥。或。芍。藥。湯。聶。氏。方。滯。而。無。熱。者。枳。朴。青。陳。木。香。查。蘗。消。導。之。元。氣。實。而。挾。積。熱。者。攻。之。利。之。或。於。清。熱。導。滯。藥。中。加。大。黃。或。吞。百。順。丸。虛。寒。者。理。中。建。中。佐。調。氣。藥。寒。滯。者。乾。薑。甘。草。湯。加。消。積。調。氣。

藥氣虛下陷者。補中益氣湯。不大實。亦不大熱。而反重。難解者。首烏湯。以暫開之。然後對症調治。血虛後重者。如丹溪法。但養血藥中。當佐順氣藥。

張景岳曰。裏急後重。熱痢。冷痢。虛痢。實痢。皆有之。未有痢不止。而後重能愈者也。但當以治痢為主。

戴云。大腸爲邪壓下之重。至固不減。大腸虛滑不收之重。至固隨減。以此辨之。百不失一也。李士材曰。邪迫而後重者。至固稍減。未幾復甚。虛滑而後重者。固後不減。以得解愈。虛故也。按上二說相反。要之痢屬鬱滯之病。總以得解爲暫寬。欲辨虛實寒熱者。當以脈症爲據也。

膿血稠粘七

下痢色清。淡者爲虛寒。濃厚者爲實熱。古法膿血稠粘。腹痛後重。身熱久不愈。脈洪疾者。黃芩芍藥湯。膿血稠粘。裏急後重。日夜無度。一味大黃丸。然石頑曰。膿血稠粘。勢不可遏者。黃芩芍藥。玄胡木香。腹痛少加肉桂以和之。按亦不恣用苦寒也。大抵又當審之以脈。

晝輕夜重八

痢每甚於夜者何也。曰。晝輕夜重。凡病多如此。不獨痢也。岐伯曰。朝則人氣始生。病氣衰。故且慧。日中人氣長。長則勝邪。故安。夕則人氣始衰。邪氣始生。故加夜半人氣入臟。



邪氣獨居於身。故甚。其有相反者。是臟獨主其病。以臟氣之所不勝時者甚。以所勝時者起也。按痢乃鬱滯之疾。陽氣運行則愈。衛氣日行於陽。且人於日中動多。靜少。陽氣易於運行。故晝輕。夜則行於陰。人又靜多。動少。陽氣不得宣通。故夜重也。若夫陰虛有火。亦夜多頻迫。然必顯有夜熱不寐。脈急等象。方是真正陰虛痢疾。

疫痢九

疫痢乃時行不正之氣。春感爲瘟。秋則成痢。其症大都先發寒熱。或先見泄瀉。繼而裏急後重。利下赤白。一家長幼相似。甚至沿門闔境。戴原禮曰。時行疫痢。當明運氣之勝。

損以治之。故陽子建謂太歲中。其春夏之內多寒肅之化。陽光少見。寒熱二氣交乎。忽于夏月多寒化。寒邪犯心。水火相犯。血變於中。所以痢下赤白。是二說也。予嘗疑之。夫氣化之偏。萬民均受。何以疫痢之發。一方病百人。一方不病一人耶。詳吳又可瘟疫論云。天地之氣。不能有正而無邪。風寒暑濕燥入六氣者。生化之正氣也。疫氣乃邪氣也。不在六氣正化之中。愚謂正氣本乎天。百里而一轍。異氣從乎地。十里有不同。疫痢之一方獨盛者。疫氣獨盛於一方故也。又或是歲多暵赫之化。炎暑大行人受暑熱之氣。兼之因熱貪冷。秋令陽氣收斂。痢斯成矣。此則天氣居半。

疫痢總論  
治疫為主

吳又可先

生三消飲

是最外之

方也于中

再着加清

暑消食之

即可耳

人事居半。至其先後續發。有似互相傳染。而究其受病之原。實與疫痢迥殊也。治疫痢法。古用倉廩湯。繆仲淳謂疫痢屬濕熱厲氣。當清熱解毒。表散為急。忌硝黃枳。下行破氣。其說已偏於一隅。而楊子建立萬全護命三方為治疫痢定法。不辨人體之強弱。脈息之虛實。擅用麻黃。北桂。牽牛。訶子。硫黃。實乃殺人之事矣。乾隆辛酉癸亥二年。木邑疫痢盛行。見表症者十之六七。仲淳所謂發斑發疹。子建所謂狂盲狂走者。百不見一。大都先發寒熱。或泄瀉。後變紅白。至其治法。表散者多。苦寒愈者十之二三。溫補愈者十之六七。乃知治疫痢法。與正痢同。不必另立門戶也。

○客問曰。今歲痢疾何以若是之多。謂是天氣使然。何以一方獨盛。謂是地氣使然。何以不病於春冬而獨病於夏。秋謂是人事使然。未必今歲之民獨肆口腹也。然則所以痢多者。天時耶。地氣耶。人事耶。曰。春溫夏熱。秋痢冬寒。四時之病也。而四時皆有一種異氣。異氣者。卽疫氣也。當其時則氣盛。非其時則氣衰。所以夏秋患痢獨多也。疫氣至甲。近天主之地。更主之。如山嵐瘴氣之屬。在一方則甚。一方。况夫以病染病。其病益多。所以一方獨盛也。然當疫痢潛消之日。雖不慎寒暑。不節飲食。未必病痢。若當疫痢盛行之時。少或不謹。病斯侵矣。雖曰時疫。實又未嘗不關人。

事也。疫痢之由。合天地人而共言之。無疑義矣。

暑痢十

華繩云。暑氣成痢者。其人自汗發熱。面垢嘔逆。渴欲引飲。腹內攻刺。小便不通。痢血頻進。宜香茹飲。加黃連一錢。佐以五苓散。益元散。白湯調服。不用蜜。調服。感暑成痢。疼甚。食不進。六和湯。藿香正氣散。各半貼。名木香交加散。世俗治夏月暑痢。用黃連香茹飲。加甘草芍藥生薑神效者。蓋夏月之痢。多屬於暑也。潔古治處暑後。秋冬間下痢。用厚朴丸者。蓋秋痢多屬於寒積。經所謂必先歲氣。無伐天和者也。

陰虛痢十一

其人真陰素虛。因血液下耗。真陰益虛。或誤投辛香燥熱。真陰受劫。其症夜熱不寐。口渴。下痢。其色鮮紅。其形稠粘。左脈弦細而急。尺部尤甚。宜生地黃。阿膠。丹皮。滋陰涼血等藥。有火者。濟以黃連。知母。慎勿與香燥如白朮。木香。厚朴。吳萸。肉桂之屬。大凡痢久津竭。真陰未有不虛。所謂痢多亡陰也。但陰陽兩虛者多。此則獨見陰虛。陰不足則陽奏之。故成陰虛。有火之候。○石頑曰。陰虛痢。切戒攻積之藥。凡見痢下五色。膿血稠粘。滑洩無度。發熱煩渴。臍下急痛。夜則惡食。或下鮮血者。便屬陰虛。急宜瀉熱存陰。如駐

車。阿膠。歸。連。地。榆。白。頭。翁。涼。血。養。陰。之。藥。氣。虛。加。人。  
湯。白。頭。加。甘。草。阿。膠。湯。選。用。

荆下赤白。因過投薑桂血熱而變成桃紅。宜阿膠。生芍。苓。  
連。紅。花。生。地。當。歸。地。榆。白。頭。翁。涼。血。養。陰。之。藥。氣。虛。加。人。  
參。甚。加。黃。芪。切。禁。白。朮。木。香。其。血。自。淡。又。轉。為。紅。白。相。兼。  
等。色。

附案

○一鄧姓少年。病十餘日。夜則潮熱。口渴不寐。氣

微。促。用。生。脈。散。合。生。地。白。芍。阿。膠。煨。山。丹。皮。少。  
佐。黃。連。知。母。及。六。味。地。黃。加。阿。膠。白。芍。大。便。不。順。加。生。  
何。首。烏。神。不。安。加。棗。仁。黃。連。調。理。旬。餘。而。痊。是。症。氣。促。  
神。倦。服。前。藥。稍。愈。因。食。減。少。酌。加。參。朮。益。見。體。倦。無。力。  
不。能。起。坐。子。日。誤。投。白。朮。故。也。誤。投。而。潮。熱。增。潮。熱。則。  
頭。重。故。不。能。起。坐。耳。除。去。白。朮。仍。服。前。藥。而。起。坐。如。故。  
○一婦。中。年。血。漏。淋。瀝。不。止。屬。血。虛。有。火。因。倦。怠。食。減。

誤進參朮。倦意益甚。改用四物湯。加阿膠。芩柏。而氣力益增。精神益爽。良山藥。燥血漏。多元氣下洩。故也。涼血養陰。則血止氣增。此症不同。而理同。因類記之。

瘡後痢。痢後瘡。十二

趙葵養曰。有瘡後痢者。亦有痢後瘡者。夫既爲瘡後。發洩已盡。必無暑熱之毒。復爲痢疾。此是元氣下陷。脾氣不能升舉。似痢非痢也。既爲痢後。下多則亡血氣。又隨痢散陰陽兩虛。陽虛則惡寒。陰虛則發熱。故寒熱交戰。似瘡非瘡也。則俱作虛論。俱用補中益氣湯。加溫補藥。其病自愈。○按瘡後痢。亦有瘡邪未盡。而復成痢者。未必似痢非痢也。痢後瘡。亦有投劑合宜。經絡疏通。邪達於表。而痢止瘡發。



者未必似瘧非瘧也。皆當察寒熱虛實而清補升散也。

瘧痢交發 十三

風寒之傷於人。邪在表也。邪在表故病瘧。飲食之傷於人。邪在裏也。邪在裏故病痢。若表裏兩傷則瘧痢交發。

瘧痢齊發。瘧止而痢甚。是脾胃之氣虛陷所致。並宜先與黃芪建中湯。加木香厚朴之類。次與補中益氣湯。加薑桂。若服後痢減。瘧作。此陽氣得補而與陰爭也。再與補中益氣湯。少加桂附。助陽祛陰則愈。按此乃石頑準醫貫之治驗也。然瘧痢交作。脈得弦急。表裏焯熱。口渴後重。寧可以前法治之乎。是又當用小柴胡湯加減矣。表症多者於本

方加羌防枳朴之屬。裏症甚者。于本方加枳柳芍藥香連之屬。或以一方送香連丸百順丸。合內外而分解之。乃爲活法也。諸名家治瘧痢交發。皆以瘧爲先。表解則裏自和。瘧甚而痢自止。若先治痢疾。肆用苦寒攻伐。則瘧邪內陷。與痢邪合併爲害。非輕矣。但裏症急甚。勢已下趨。必欲強行逆挽之法。俾痢疾在裏之邪。併于瘧疾而散于陽分。必不可得之勢也。則表裏兼治之法。爲可盡廢乎。予治一涂姓瘧痢交發。瘧先愈。次治痢。其痢五色。勢甚危險。溫補脾腎亦愈。不拘定痢愈在先。瘧愈在後也。

婦人胎前胎後痢 十四

張石頑曰。予嘗用甘草乾薑湯。加厚朴。茯苓。木香。治妊娠  
白痢。千金三物膠艾湯。治妊娠血痢。連理湯。加膠艾。治赤  
白相兼之痢。駐車丸。千金黃連湯。白頭翁湯。加甘草。阿膠  
治胎前產後五色諸痢。皆可用。

繆仲淳曰。凡產後滯下積滯。雖多腹痛。雖劇。不可用大黃  
等物行之。致傷胃氣。遂不可救。但用人參。白朮。當歸。紅曲。  
升麻。益母草。加炙甘草一倍。滑石末四五錢足矣。若惡露  
未淨。兼乳香沒藥各七分。炒砂仁末一錢。久之自愈。血  
痢可加阿膠二錢。

婦人胎前痢。治與常痢法同。當散見。散當清則清。當溫補

則溫補所異者養血調氣以護胎如歸芍阿膠香附木香之屬。至于攻下雖當謹慎然勢不容已者亦當攻之而胎氣反安所謂有故無殞也。產後宜養血去瘀。玄胡紅花當歸白芍川芎阿膠等。餘與常痢法同。

胎前下痢。產後不止。七日必死之例也。然張石頑云。胎前下痢。產後不止。勢莫挽回者。用伏龍肝湯丸。隨症加減。未嘗不隨手獲效。可見亦非必死之症矣。

附案

○一鄧姓婦病痢。孕當八九月。解下赤白相兼。味

素多病。皆溫補而愈。予以養血調氣。佐枳朴芍。並少愈。改補中益氣。及小建中。加當歸。或佐吳黃木香。痢疾十愈。其人以八珍湯加減。而全安。○一吳姓婦病痢。孕方八月。胎氣墜下。子曰。宜先舉其胎。次治其病。進補中益氣湯。加木香。自芍。胎氣果升。子有事歸。夜忽少。

腹痛而拘急服香連丸稍愈子用歸芍芩朮木香青味  
兼香連丸子調氣養血藥中少佐苦寒遂痛止胎安○  
一婦孕方九月下痢白多紅少腹痛甚不辨爲胎動之  
痛痢疾之痛又慮胎墮而痢不止犯七日必死之例致  
招怨譏不得已暫與養血調氣其母急欲更歸實子之  
願也偶論得舌冷喜熱子曰舌冷則內寒可知與乾薑  
甘草湯又論得舌冷喜熱手按得熱湯則痛稍可改用理  
中湯加肉桂吳黃當歸白芍母家之醫來矣竟用滑石  
木通黃芩木香等藥而先藥已驗遂不用後醫藥而復  
商於子子曰滑石木通非孕家所宜於治痢亦不在下  
躊躇兩日小心審察方得病情新進者烏能知之遂連  
進理中建中歸芍香砂痢愈胎亦無恙○一涂姓婦胎  
前下痢產後不止滑痢無度喜其能食依法用伏龍肝  
湯加兼進參芪白朮赤石脂炒當歸肉桂豆蔻并調石  
脂末而勢止因食雞又滑利再用前法而全愈○又一  
婦如前症昏倦少氣洞泄無度雖用伏龍肝湯及溫  
補固澀之

劑不效死

燒蟲痢十五

其症腹大皮腐。或相循。或成。然得之於寒濕之氣。乾筋不發。化而爲蠱。此九蟲之一也。其形極細。胃弱腸虛。則蠱由乘之。或痒。或從穀道中溢出。蒼公以芫花一撮。主之。烏梅丸。黃連犀角散。亦主之。然虫盡之後。卽用六君加犀角黃連烏梅肉丸服。以補脾胃。兼清濕熱。庶不再發。此蟲其形細如線。雜病皆有。不獨痢疾。每從穀道中溢出。小兒尤多。

吐蚘 十六

吐蚘爲胃寒。亦有寒熱錯雜者。大約先服苦寒清涼等藥。而吐蚘者。多胃寒也。宜椒梅理中湯。蚘止去椒梅。未服苦

寒清下等藥而吐。虵者多寒熱錯雜。烏梅丸連理湯吐。虵雖有寒熱之分。然縱屬熱亦無純用寒涼之理。以虵不安則胃之不安可知也。須知諸病吐虵多屬危候。宜慎之。

汗多 十七

痢疾汗多者多虛。宜黃芪建中湯。然痢初起亦有風邪多汗者。古法云下痢發熱自汗脈弦者是伏邪所發。當從解散。倉廩湯。按此須強壯入外邪重者方可用之。體弱邪淺者宜防風桂枝湯以和之。有熱加炒黃芩。若登廁用力多汗者。雖禁用力亦多。按虛至于攻尅過度及痢久而多汗者。虛無疑矣。

小便十八

小便由于氣化痢名滯下。氣逆甚矣。氣既逆甚。小便安能如常。故痢家小便必短而少。且必與大便同解。不能立而另解也。若可立而另解。痢將愈矣。昧者混同洞瀉之法以治之。如五苓猪苓湯之類。不思頻去無度。後陰之津液已傷。又強迫前陰以重竭其津液。豈非危道。明者但以治痢爲主。痢愈而小便自通。惟初起未投清涼。兼見熱溲瀉痢者。可暫利之。以分消其勢。不執爲治痢正法可也。凡痢膿小便赤瀉短痛。初起宜六一散。大分清飲。一二劑即止。不可多用。小便赤瀉短痛。可驗宜清涼。不利溫補。若因過



用苦寒攻伐。或久痢小便不利。此屬氣化不通。陰中之陽虛者。金匱腎氣湯。陰虛者。六味加車前牛膝。氣虛下陷者。補中益氣湯。

舌胎十九

看瘟疫與痢疾不同。瘟疫邪滯經絡。脈多變幻。痢疾邪居腸胃。脈不變幻。故瘟疫以舌胎爲憑。痢疾以脈爲準也。凡痢疾舌胎色黃。而脈遲弱無力者。作虛寒治。舌上無胎。而脈急實者。作實熱治。但舌胎色黃。或深黃。六脈數而無力。亦多虛中。揆實不可純用溫補。至于乾黃焦黑。脈見遲弱。雖屬大虛。亦可卜其津液之竭。必不勝任。亢燥。○一鄧姓

患痢。舌胎黃色。脈得沉小遲弱。竟用溫補而痊。可知痢當  
憑脈。不當專憑舌胎。又一鄧姓。脈細弱而急。左手模糊。患  
痢不食。補之不效。因舌生黃胎。少佐黃連。食即能入。此則  
舌胎與脈急相符。知爲虛中挾火。若脈得弱細而遲。雖見  
黃胎。亦不敢用黃連矣。

口渴二十

景岳曰。瀉痢多口渴。若火盛于中。必好冰水。冬亦不厭。若  
無根之火上浮。雖渴而飲不多。及欲冰水而不能飲。又口  
渴與口乾不同。渴能飲水。乾不能飲水。能飲者有熱症。亦  
有陰虛症。不能飲水者。則非熱症也。○予治痢疾口渴年

壯病未久者。于痢疾藥中。佐以西瓜汁。天花粉。屬脾胃虛。而津液不上升者。錢氏七味白朮散。陰虛者。桂附八味生。脈六味無不應手取效。

大孔腫痛二十一

經曰。氣傷痛。形傷腫。久疝氣陷。不能升散。濁血流注。聚于肛門。穢惡不堪之物。時從此出。而護腸之脂液。剝刮殆盡。其腫且痛者。勢所必至。凡痢稍久。不論虛實寒熱。皆有此候。新痢無有也。仲景曰。大孔腫痛。急溫之。擬黃芪建中湯。石頑加木香。當歸。此為虛寒證。立法。戴原禮曰。大孔因熱流于下而痛。木香。檳榔。荳蔻。加炒乾薑。此為實熱症。立法。

要之治此者。但當治此爲主。若寒熱虛實。投治無差。病愈而腫痛無不愈矣。

喻嘉言曰。肛門腫痛。熱流于下也。身熱脈洪大。宜清之。黃芩芍藥湯。身冷自汗。宜溫之。理中湯。

大孔開 二十二

滯下大便不禁。其大孔開如空。閉者用慈和花椒末搗爛。塞穀道中。并服酸瀉固腸之劑。神效。

脫肛 二十三

仲景云。下痢便膿血者。桃花湯主之。○丹溪云。桃花湯主病屬下焦血虛且寒。非乾薑之溫。石脂之清。且重不能止。

血用粳米之甘引入腸胃。戴原禮云。脫肛一症最難爲藥。熱則肛門閉。寒則肛門脫。內用磁石研末每二錢。食前米飲調下。外用銹鐵磨湯溫洗。按脫肛宜用補片益氣湯升提之。有熱加黃連。

呃逆 二十四

痢疾呃逆危候也。然非盡屬不治之症。惟兼厥逆昏憤煩燥直視等惡候。則萬萬不救矣。大抵呃逆多因寒涼攻伐過度。或體氣素弱。誤投芩連大黃枳朴等藥。致中氣受傷。胃氣寒逆而然。虛寒其本也。氣逆其標也。胃虛者異功散。六君子湯調。丁香柿蒂散。胃寒者理中泥中。調丁香柿蒂。

放更有腎氣不歸根而呃逆者陰虛。加沉香砂仁。陰中之陽虛入味加沉香砂仁。送黑錫丹。至于體強新病未經苦寒攻下。或誤投熱藥滯藥。脉見洪數滑實。呃逆聲重相連。精神不衰。此係大邪上于經。所謂諸逆衝上皆屬于火者。是也。虛熱橘皮竹茹湯。實熱輕則芩連枳朴。重則大黃下之。

石頑曰呃逆乃胃氣虛寒之極。最危之候。急宜橘皮乾薑湯主之。下痢而渴。誤食冷物水菓而噦者。理中湯加丁香十五粒。柿蒂五枚。水煎熱服。寒熱往來者。小柴胡加丁香。血痢嘔噦而渴心煩不得眠。小便不通者。猪苓湯。白痢嘔

噓用五苓散。以中有肉桂。可通逆氣也。

附案

一老人患痢。自服陰瀉之藥。因發呃逆。調理得

痊。一人形瘦。素體陰虛。氣弱。痢久不愈。呃逆。不任香燥。以六味加沉香砂仁。兼異功散。加柿蒂之類。漸漸調理而痊。一人痢發呃逆。兼厥冷昏憤。直視。逆入味及理中。效而復劇。竟死。

久痢不止 二十五

石頑曰。久痢不止。諸藥不效。貧人無力服參者。烏梅大棗各數枚。煎服。屢效。久痢少腹痠痛。結滯不爽。及下久連年不已。千金溫脾湯。冷痢去甘草。加桂心。倍香附。人參。熱痢去桂心。加大黃一錢。薑附。人參各減一錢。久痢不瘥。所下漸減。而津血枯槁。肛門滯滯者。千金羊脂煎。潤以導之。

羊脂本經專主下痢脫肛腹中絞痛世罕知用按僻壤之地難得羊脂則菘蓉首烏當歸蜂蜜等以代之。

河間曰久下血痢則脾胃虛損而血不流于四肢留于胃中宜滋養脾胃則愈。

馮氏錦囊曰有毒痢一症或沙毒內陷各藥不效者當于和血行氣藥中加解毒藥如忍冬花炙乳香香連之類。

按久痢不止當看有邪無邪有邪者因初病時當下失下當清不清當散未散積熱逗遛腸胃是以纏綿不已察其少壯稟強者仍用從前當用未用之藥喻嘉言治失表久痢自秋迄冬仍用人參收毒散以起死復生清下更何忌。



焉。但久病藥亦忌猛峻。瀉藥中佐參朮以行藥力可也。倘元氣既虛。積熱未去。宜大健脾丸。當清者以補中益氣四君。八珍等湯。送香連丸。當下者。以前湯送百順丸。扶正之。與祛邪孰實孰主。則又權宜在心也。至于病無留邪。則純是虛脫之候。氣虛下陷者。補中益氣湯。腎虛封蟄不固者。八味丸。以山藥爲君。地黃爲臣。或四神丸。虛而滑脫者。宜兼固澇。如故芷肉藥。訶子烏梅五味粟殼之屬。卽休息痢法亦不相遠也。○久痢陰必虛。當兼補氣血。不可過用陽藥以劫陰。

休息痢

時作時止。曰休息痢。病久不止。曰久痢。

二十六

諸家云。多因地。漸太早。積熱未盡。加以調攝失宜。不能節食戒慾。所以時作時止。補中益氣湯。加肉蓯朮。木香。吞駐車丸。亦有陰虛多火。不能勝任。升柴。木香者。只用駐車丸。加人參。肉桂。烏梅之類。有積。可加枳實。炮薑。山查。肉石。頑曰。服補中益氣湯。不應反下。鮮紫血塊者。此久風成癩。泄風。氣通于肝。肝傷不能藏血也。三奇散。倍防風。加羌活。升柴。其一切利水破氣藥。皆爲切禁。又曰。休息痢。宜四君子湯。加陳皮。木香。吞駐車丸。虛滑甚者。用椿根白皮。東南行者。長流水浸去黃皮。切片。每一兩。配人參一兩。大煨。木香二錢。粳米一根。煎湯服。

趙養葵云。休息痢係寒積在大腸裏。諸藥所不到。獨巴豆一味研炒。蠟丸如龍眼大。空腹服之。再不復發。此通因通用法也。熱積不可用。

醫宗金鑑云。休息痢。凡一切補養之藥不應者。診其脈若有力。仍當攻也。

附案○

一人下痢。泄不止。服補固藥不效。一農夫以椿根皮煮酒服之愈。

痢後諸症 二十七

丹溪云。痢止糟粕不實。或腹中作痛。不必驚恐。以白朮、廣皮各半煎湯和之。又云。積已盡。糟粕不實。以炒白芍、炒白朮、甘草、陳皮、茯苓煎湯服。古法痢後調補。宜四君子湯。

加陳皮或七珍散。懸甜者生料平胃散。加入參茯苓。

按痢後糟粕不實。胃虛者。參苓白朮散。加上茯苓。腎虛。四神丸。脾腎兩虛。四君四神。加山藥蓮子。痢後調補。當消息。脈症察其何臟之虛。八珍四君八味皆可加減選用。

痢後大便秘瀉。裏急後重。此氣虛不陷。慎勿利之。補中益氣。加防風。若風邪傷衛。三奇散。朱丹溪治虛坐後重。用當歸爲君。此血虛也。見裏急後重門。痢後津傷。大便秘瀉。養血潤腸。在所宜用。若補中益氣湯。則當治在氣分也。

痢後不擅調攝。或多行。或房勞。或感風寒濕氣。致兩足痿。

軟或腫痛。○鼓原禮云。痢後風。獨活寄生湯。吞虎骨四觔。丸。或大防風湯。○丹溪云。痢後風。係血入臟腑。下未盡。復還經絡。不得行。故也。明松節一兩。乳香二錢。炒黑。存性。蒼朮。黃柏各一兩。紫葳一兩半。甘草五錢。桃仁去皮不去尖。一兩。俱爲末。每服三錢。生薑同杵服。○石頑云。痢後變成痛風。補中益氣。加羌活。虎骨續斷。○按痢後風。有風邪。瘀血者。用前法。無風與瘀者。以養營衛。壯下元爲主。

痢後變腫。屬脾腎虛。補中益氣。四君六君。八味。金匱腎氣。兩脚獨浮腫者。多屬氣虛下陷。俱宜補中益氣湯。兼食六君。加香砂。蒼朮。兼風邪。補中益氣。加防風。小便短澹。而腫。

者水也。春澤湯。理苓湯。金匱腎氣丸湯。選用大抵宜。苦土  
利水如苓朮。苡仁。澤瀉。車前。伏毛之屬。氣逆兼香砂。隨宜  
而用。亦不拘千方散。至于腎臟陽虛。則非金匱腎氣莫挽  
也。

痢後變瀉。因久痢耗損精血。腸胃空虛。變生他症。或五心  
煩熱。如癆之狀。古法黃連飲。赤多倍連。肉白多倍山藥。按  
痢後將變為瀉。宜補脾腎。養氣血。佐滋燥。退蒸之藥。

凡痢既瘥。數日之後。又畧下紅白。此非復症。乃未盡之穢  
濁也。調氣血。補脾腎。自止。

痢已愈。食肉則便血。水者虛也。

附案

○一潘姓子年十歲患痢用大健脾充理中湯而愈愈後變腹脹陰囊及莖俱腫用健脾藥不效

上并下利中順等藥不效金匱腎氣湯亦不效後竟以健脾利水和氣等藥奏功。

壞症二十八

下純血者死。如塵腐色者死。如屋漏水者死。如赤

豆汁者不可治。大孔如竹筒注者不可治。唇如塗珠

者不可治。身熱脉大者半死半生。如魚腦者半死半

生。如猪肝色者半死半生。一厥逆冷汗者死。變成腫

脹者死。發斑燥擾者死。呃逆不能止者死。身熱不

能除者死。禁口不食藥不能開者死。驟然能食為除

中者死。

或曰。古人所列死候。亦有不死者。何也。曰。當看其症之微。甚他候之吉凶。服藥之驗否。脉息之順逆。兼而斷之。假如下純血之爲死症。然色不甚紅赤。或能食。而他無凶惡之症。或服藥之後。漸有他色相兼。則未必死也。若色止紅赤。兼有種種凶惡服藥又無效。則必死矣。又如身熱不除。之爲死症。假令能食。他無凶惡。雖有微熱不除。亦不主死。又如呃逆不止之爲死矣。予見一痢症。呃逆多日。漸漸調治。利瘡亦因能食身和。別無惡候也。惟有厥逆冷汗。嘔口不能開。忽然能食。各除中者。則萬無治法耳。久痢如豬肝色。或五色相雜。下頻無度。此腸胃下脫。仲景所謂五色氣絕。



于內利下不禁者是也。古法六柱飲加益智白芍。或救十  
中之一痢變厥逆。此陽氣敗壞。仲景所謂六腑氣絕于外。  
手足寒者是也。峻投附桂參朮。難救一二。

醫宗金鑑曰。下利不止。水漿不入。氣少脈細。皮膚寒。死于  
陽絕也。下痢純血。身熱脈大。死于陰絕也。

石頑曰。誤用大黃變成腫脹。若其人元氣未敗。大劑人參  
桂附。散其濁陰。尙可救其一。二。洞泄不止。大劑參朮。不應  
附子理中湯。調赤石脂末。間有得生者。卽發呃吐。虵尙有  
西逆參附。吳茱萸湯。乾薑黃芩黃連人參湯。烏梅丸等法。  
至若發斑燥熱。久痢不食。忽發除中。從無救治之法。嘗久

刺虛脫六脉弦細厥逆冷汗煩渴燥擾呃逆峻用理中四  
逆白通通脉之類。雖口進人參二三兩非不暫安。脉亦微  
續手足漸溫。稀糜漸進。三四日後必然驟變。此根氣已絕。  
燈盡復明之象。切勿因其暫安。輕許以治。徒爲識者鄙笑  
耳。

脈法二十九

張氏醫通曰。下痢白沫。初起脉小滑。能食者易治。洪大急  
疾。四肢厥冷者難治。從未見洪大急疾之脈。而又四肢厥冷者。久痢脉微弱小  
細者。卽愈。數實虛大無根者危。下痢膿血初起脉小滑。或  
弦軟身不熱者易治。數實滑大而身熱者勢雖甚。猶可治。

若究不熱五六日反身熱脉大者死。久則脉宜孔遲虛細。不宜盛數滑實。或身熱不止。口噤不食者皆死。久痢脉結代。反驟能食爲除中者必死。大抵下痢之症。初起脉實大不妨。六七日後再忌強盛。凡下痢脉浮身熱作風治。脉沉身重作濕治。下痢爲腸胃病。雖逆頻而能食則吉。若噤口痢初起脉實可治。久痢而反不能食。脉見有餘者死。惟小弱流利者當作胃虛治之。

脉經曰。腸澼下膿血。脉沉小留連者生。數大發熱者死。又

腸澼筋攣。脉細小安靜者生。浮大堅者死。

沉小無神之脉。多見厥逆而死。

者勿認作和。○按浮大無力而短。此屬虛。縱有積滯。皆從平當外症看。

末治。○左手浮弦尺滑動。此下多膿血。而肝腎傷。不可作  
實症。而行政下。○右關寸大實。而遲緩。若見飽悶。是胃有  
痰凝。食滯。弦急。腹痛。可服建中湯。不得已。弦急盡。屬有餘。  
蓋小建中之弦急。與柴胡芍藥之弦急。自是不同。當會脈  
之有神無神。與兼見之形症。分辨之。○沉遲緩弱。大人  
知爲虛。若弦急實大。鮮不以爲有餘之症矣。然以予閱歷  
參之。則亦有大虛者。○一人痢疾。攻剋過度。脈大而急。溫  
補而愈。其數大。亦非無根。但短大  
而鬆。細察小神耳。痢脈不拘浮沉遲數。但指下無神。便屬虛象。所  
謂無神者。短而鬆。按之虛軟也。○痢脈多滯結不舒。若投  
劑之後。脈有疏暢條達之意。乃鬱滯開而陽氣得以運行。

愈之兆也。弦大數實。有餘之脈也。緩弱沉細。不足之脈也。古謂痢疾之脈。沉小爲順。數大爲逆。然則痢疾之可治者。皆不足虛症。而不可治者。皆有餘實症乎。蓋數大爲逆者。謂弦大數實。動疾不和。此真陰受傷。中無胃氣也。沉小爲順者。只是不弦大數實。非指弱小無力之虛症言也。設沉細至于如絲。又豈順乎。于不洪大數實之中。或兼弦滑搏指。重按有力。作有餘症。于不洪大數實之中。或見沉小緩弱。作不足症。當如是診。然虛大弦急。指下全沒精神。此係假脈。亦作不足。不可不知。

瘟疫邪閉經絡。脈多變幻。而難準。痢疾邪攻腸胃經絡。無

阻脈多一定而是據。凡脈得沉小懸絕。雖急非實熱。誤投  
寒劑等藥。卽變厥逆而死。

附案○

一楊姓患痢二三日。送建無度。脈得沉小懸絕。

能食。予診得是脈。疏建中湯。川當歸。木香。藥即  
末以筆判云。若用攻破苦寒藥。卽變厥逆而死。案親友  
大勿謂非痢疾之藥。遂用巴霜。共建洩數次。又用礪氏  
方加大黃變  
成厥逆而死。

浮急無力。亦多虛中。拔火之候。不可補。用寒涼。亦不可純  
用辛熱。當于溫補之內。少佐寒涼。

附案○

一婦初痢。脈浮急無力。投微清微順二劑。改邦  
理中。建中。八味。間進大健脾。始調理。俟旬前。瘥

○又一鄧姓。脈細浮數弱。左手微弱。槓榻不入。飲食  
補之。不效。兼用黃連。而飲食進。案詳虛實錯雜門。

凡痢疾脈遲細者。虛寒症也。然有鬱滯之極。腹中作痛。脈

見沉遲緊小。數日滯開。漸變滑急浮大。不可不知。

附案○

一楊姓小腹作痛。脈沉小而遲。余謂寒滯。用辛

溫消滯藥。忽大瀉一日。瀉止。赤白相兼而下。脈

之沉小變為浮滑。復用清消收功。可見滯極之脈。有似

虛寒。但真虛寒者。沉遲小之脈。必弱而無神。阻滯者。沉

遲小之中。重取勁實。或沉遲小

之中。時顯一滑。以此為辨其。

凡痢左關尺沉弦搏指。此必小腹作痛。寒痛建中湯加吳

黃。熱痛黃芩芍藥湯。

凡痢脈浮大者。多不厭逆。脈沉小者。不拘遲數。易變厥逆。不可輕投涼藥。

凡脈洪數滿指。勢甚洶湧。反多假熱。但按之必無力耳。脈似弱小而急。此非假脈。多是虛中挾邪之候。